

36

DISSERTATIO
DE
SYPHILITIDE CURANDA FRAGMENTA QUÆDAM
SISTENS

QUAM

VEN. EXPERIENTISS. FACULT. MED. UPSAL.

PRÆSIDE
CAROLO ZETTERSTRÖM

M. D. MEDICINÆ THEOR. ET PRACT. PROFESS. REG. ET ORD.
REG. COLLEGII SANITATIS MEMBR. HONOR.
REG. ACAD. SCIENT. STOCKH. ET REG.
SOCIET. SCIENT. UPSAL. MEMBR.

PRO SUMMIS IN MEDICINA HONORIBUS OBTINENDIS.

PUBLICE EXHIBET

AUCTOR

EBBE FR. SCHOUGH

CMI. MAGISTER, AD LEGIONEM VESTROGOTH. DAHLICAM
MEDICUS SECUNDUS NEC NON AD VALETUDIN.
WENERSBORGENSE MEDICUS.

IN AUDIT. MED. DIE OCTOBR. MDCCCXXII.

UP SALIÆ,
EXCUDEBANT REG. ACAD. TYPOGRAPHI.

OTHEFTPIA

ANNO 1580
MICHAELE ATHEMBASSI A CHAMOIS TINTILLERIS

EDICIO. CIVICO. TINTILLERIS.


EDICIO. CIVICO. TINTILLERIS.

KONUNGENS TROMAN,
GENERAL-DIRECTEUREN FÖR SJUKSKÖTSELN VID
LAZARETTERNA I RIKET, INSPECTORN VID KONGL.
CAROLINSKA INSTITUTET, MEDICINAL-RÅDET,
RIDDAREN AF KONGL. NORDSTJERNE OCH WASA
ORDEN, LEDAMOTEN AF KONGL. VETENSKAPS
AKADEMIEN, VÄLBORNE OCH VIDBERÖMDE
HERR DOCTOR

AD. JOH. HAGSTRÖMER

tillgåas dessa blad med en stämning af tacksamhet sådan
man hyser för den, som i faderlig omvärdnad för fädernes-
landets yngre läkare öfverträffades af ingen.

E. FR. SCHOUCK.



DISSERTATIO
DE
SYPHILITIDE CURANDA FRAGMENTA
QUÆDAM SISTENS.

Arma sumere non posse, nisi quæ haud minora ministrantur pericula, quam ipse, qui pelleretur, hostis, tristissima sane est necessitas; quod tamen de mercurio syphilitidem expulsuro magnopere valere, neminem fugit. Diu igitur multumque in id, ut remedia tutiora minusque periculosa invenirentur, incubuere; nec frustra omnino, diversis enim modis perniciosa hanc pestem, hydrargyro non adhibito, curare contigit. Ad quod vero medicamen, ad quam ejus adhibendi methodum in quovis potissimum casu refugiendum, difficultissimum sane est judicium. Quo tamen facilior, experimentis comparatis, aestimatio sit, morbique natura penitus nobis innotescat, non alienum duximus apud exteris quasdam gentes, qualem morbus speciem præbet quibusque pellitur remediis, breviter ostendere. Hac vero in re exponenda, ceteris leviter tactis, in iis præsertim gentibus hærere in animo est, quæ experimentis ad morbi naturam curamque illustrandam institutis maxime abundant.

In Otaheiti insula luem syphiliticam (sive beneficio climatis hoc, sive evolutionis gradul minori et singulari cuidam incolarum indoli tribuendum, in medio relinquimus) mitem semper fuisse, nec magnam umquam attulisse cladem ne initio quidem, quum mercurius, in hac terra plane incognitus, contra syphilitidem nequaquam adhiberi potuit, inter omnes fatis constat, et luem syphiliticam eamque inveteratam chincona, camphora et opio solis sanata se in Oriente observasse Lanrey affirmat;

nec multum de statu dicere habemus curaque morbi, quem in oris insulisque maris mediterranei mitiorem fere invenimus, quam cui mederi opus est (*Brander*). Eandem Lusitania faciem præbet, nec fere alia in Hispania ratio, ubi tamen indolem mali aliquando jam deteriorem reperimus, nec rarus heic hydrargyrus, forma præsertim unguenti porrectus. (Vide Ferguson, Rose, Günther &c.).

In Gallia ingenium syphilitidis ad rationem ejusdem apud nos proprius accedit; etiam si in urbe Europæ, moribus corruptis summa infamia adspersa, affirmante J. L. Caspero, medico Berolinensi, ea de re judicandi occasio-
neum satis nacto, lues venerea multo rarer occurrit, quam apud gentem, quæ suum ipsius nomen morbo con-
cedere est coacta, exspectare licet. Quod quidem phæ-
nomenon ex indole nationis levi, aperta et impudica,
qua Galli morbum (quod contra apud nos) falso nun-
quam pudore dissimulant, altiores donec miserit radices,
Casperus quamvis explicare studet; majori tamen jure
mitiori cœli plagæ legique sempiternæ, qua tempus et
celeritas processus omissis vitalis e caloris pendent gra-
du, originem debere videtur: quo factum est, ut heic mi-
nus, quam apud nos, longe forsan absit tempus, quo
tandem morbus diem est obiturus supremum.

Clarissimi ex grege maximo auctorum Galliæ, qui
de syphilitide scripsere, ex. gr. Alibert, Cuillerier, Lagneau
&c. in his rebus convenient: — unde, quo doctrina de
morbo syphilitico hodie in Gallia sit perducta, elucet. —

Idem virus quin æque gonorrhœam virulentam ac
ulcus venereum gignat, eorum fere nemo dubitet ¹⁾. Hy-
drargyrum systéma præsertim lymphaticum affidente
virus syphiliticum non nisi excitata febre expellere sta-

¹⁾ Fréteau: mémoire sur l'identité de nature entre le virus gonorrhoïque et celui de la vérole. 1813.

tuunt, unde casus syphilitidis, ultro curatæ, haud dubios ex febre sponte nata explicant; nec illis dubium est, plurimis aliis remediis, febrem ciendo, perfectam effici posse curam 2). Mercurii usum cum admittant, murias hydrargyricum sublimatum, dosi sensim communiter ad granum dimidium aucta in usum vocatum, forma potissimum solutionis van Swietianæ, quæ sola fere in nosocomio syphilitico Parisiensi adhibetur, ceteris præparatis valde præoptant. Symptomatibus inflammatoriis potibus mucilaginosis, refrigerantibus et purgantiis sublati, primum mane jejuno porrigitur cochleare solutionis sublimati unum, grani circiter quadrantem continens, quod aliquot post diebus duplicitum summam constituit dosin. Ob magnam in tubum alimentarem vim lohoc sic dicto gummæ ad mixtum semper datur remedium. In casu quovis solito grana xv-xxv. morbo vero inveterato gr. xxxvj ad xl sufficiunt. Frictiones mercuriales, minus acceptæ, non nisi cute baleis tepidis præparata instituuntur, nec diætam parcam in usum vocant. In nosocomio Ludowici fumigationes mercuriales alterno die vel duos deinceps dies, tertio omisso, institutæ, ad numerum xx-xl iterantur; interdum methodum sequuntur clareanam, qua calomel cum gummi ammoniaco, plures de die gingivis inunctum, cum saliva deglutitur; salivatio, quantum fieri potest, evitatur.

Sudorifica, quibus sine omni mercurii usu affectiones quam maxime inveteratæ heic quoque sanantur, ubi jam abusu maceratus vel complicatione quadam originaria laborans a mercurio abhorret æger, præsertim adhibentur. *Cullerier* in nosocomio syphilitico decoctis ligni sassafras, guajaci et sarsaparillæ maxime confidit. In nosocomio

2) Vide præ ceteris Lagneau: *Exposé des symptomes de la maladie vénérienne &c.* Paris 1818.

Ludovici decoctum *Feltzil* merito dilectissima es. formula 3).

Aurum ut antisyphiliticum minime commendatur.

Parum et rarius ad injectiones in gonorrhœa con-fugiunt, nec sæpius ulcera syphilitica uruntur; excrescen-tiæ vero syphiliticæ acerrimis cauteriis, immo, scalpello exstirpantur. Curatio cujuscumque symptomatis simpli-cissima in genere felici successu haud caret.

In Angliam iam transgredientes, præsertim de me-thodo syphilitideum sine mercurio medendi verba facturi sumus, cum illa hic experimentis institutis ditissima est, nec præterea natura morbi neque curatio mercurialis hic minime adhuc obsoleta novi quid, cui adhæreamus, præbet.

Secundum *Carmichael*, qui in hac re diligentissime expertus est, omnia ulcera venerea primaria in duas ab-eunt classes, quarum altera *mitior* cuique curæ vel sim-plicissimæ facile cedit, altera vero *malignior* cuivis reme-dio pertinax resistit. Utramque classem ejusdem indolis symptomata sequuntur.

Classi symptomatum primitorum *mitiori* adnume-rantur: 1:o *Ulcus superficiale*, *sine induratione*, *margine elevato*; a pustula pruriante ortum, cutem æquans, *sine excavatione* manet. Neque plus mercurii internus vel uberi-mus, neque causticum hic profuerunt, cum e contrario

3) R. Stibii sulphuræ nigri Unciam un. c. drachm. trib.

Rad. sarsaparillæ

— chinæ 2a — — drachm. sex

Hibæ fructus

Iodioœdœ 2a — Unr. dñmli.

Copri c. aquæ Lio. quatuor. 2a colat. liq. dñmli.

adde

Hydrarg. muriat. corros. granum

S. att förbruka på dagen.

adstringentia, lavationes mercuriales et spiritus lavenditæ, servata corporis quiete, summa utilitatem præbuerunt. Symptomata constitutionalia rarius, bubones vero sœpius sunt observatæ. Cura interua decocto sarsaparillæ una cum refracta dosi antimonii absolvebatur. Non nisi mercurio interne dato symptomata graviora paruerunt, quæ caustica et irritantia ægre patientia, sœpe sarsaparilla, vita rusticana et balneis marinis, in casibus autem desperatis, arsenico evanuerunt. — 2:o Ulcus superficiale, sine induratione et sine margine elevato. Elavata superficie fungosam plerumque præbet speciem. Usus externus mercurii in aqua calcis, sarsaparilla et antimonialiis flumul interne datis, magna sunt utilitate. 3:o Excavationes glandis et internæ præputii superficie, cum purulenta materie secretione, sœpius gonorrhœam sequi et in scrofulosis quidem haud raro sponte (sine coitu fôrdido) enasci videntur, nihil tamen minus symptomata constitutionalia interdum provocantes. Cura eadem est ac in casu præcedente. diathesi universalis solummodo modifica ta. 4:o Gonorrhœa virulenta. Gonorrhœa quoque bubones, affectiones cutaneas, verbo symptomata quævis consecutiva gigni, plurimis Angliæ medicis latis probatum videtur, nec dubium est, quin sententia Hunteri de identitate gonorrhœæ cum syphilitide victoriam reportaverit. Gonorrhœa sine mercurio sœpissime curatur, usus vero tum injectionum, hic acceptarum, tum balsarmorum et ætheroleorum, quæ stadio quoque inflammationis adhibetur, observandus quidem, neutquam vero initandus.

Maligniori symptomatum primiorum classi Carmichael et 1:o ulci phagedænum administerat et 2:o ulcus exfolians (sloughing sore) quorum neutrum ultimum admittit mercurium. Illud neque granulatione neque callositate marginum, sed rapiditate, qua increbescit et pronitate ad redundum cognoscitur. Cura antimonialiis, dosi fastidium

movente, cicuta et sarsaparilla interne; fomentationibus vel cataplasmatibus cum opio externe adhibitis, absolvitur. *Hoc a puncto nigro incipiens, granti pulveris pyrei speciem et magnitudinem referens, summa violentia et dolore crescit.* Anxie hic mercurius evitandus; neque cataplasma neque china — solan ob continuam sere febrem — prosuerunt. Mixtura camphorae cum tinctura myrrhae, usus frequens et uberrimus cicutae et opii saepe cum successu sunt adhibita.

Symptomatum secundiorum affectiones cutaneae principales sunt, quas Carmichael in tres species dispergit: 1:o *Exanthema popularare* vix patitur mercurium, praesertim initio. Curae ad symptomata primaria prescriptae, exstincta sebre, decoctum sarsaparillae et antimonii alia accedant; 2:o *Exanthema pustulare*. Heic quoque mercurii usum plerumque noxiun experti sunt. Utilitatem antimonialia, sarsaparilla et guajacum, tartarus emeticus, forma unguenti, balnea hepatica habuere, exitum vero decrescentis jam morbi accelerare videbatur mercurius; 3:o *Exanthema tuberculare*: omnes affectiones comitantes ex. gr. ulcera faucium, affectiones cutaneae ossium &c. indole sunt teterrima. Usus mercurii, maxime licet fallax, viu tamen possidet progresum destructionis inhibendi, quo facto, cura guajaco, stibio, sarsaparilla, acido nitrico, pulvere Doweri, balneis, cicuta cum decocto radicum copioso junctis, absolvitur.

Ad ulcera faucium oxymel aerugininis, solutio nitratis argentici vel muriatis hydrargyrici, penecillo applicata; ad dolores artuum, prout res fert, venæsectio, hirudines, tartarus antim. dosi refracta, fomentationes calidæ, vesicatoria simul cum decoctis radicum in usum vocantur. Carmichael tamen ipse, reliquis frustra tentatis, mercurium ultimum esse refugium vult.

Rose, celeberrimum Ferguson secutus, quos sine mercurio curavit multos, eorum paucos symptomatibus

consecutivis et iis semper levissimis affectos vidit. Murray, Evans, Brown, Thomson, Guthrie, Dease, Arthur, Gordon &c. diversis Angliae provinciis ulcera genitalium cujuscumque indolis ac speciei simplicissimis tractantes remediis sine omni plerumque mercurio, duabus hebdomadis ad decem. plerumque sanarunt. Symptomata consecutiva, quam dato mercurio, longe rariora erant. Thomson nosocomii Edinburgensis praefectus ditissima experientia idem docuit. Ulcera primitiva regimine antiphlogist. et remediis lenioribus topicis cesserunt; bubones nunquam indolem gangrenosam vel phagedænicam, quæ usum mercurii sequi solet, induerunt. Symptomata consecutiva, ulcera faucium aphthosa affectionesque cutis variæ intra quartam et decimam hebdomadam erupta, cuncta, nullo porrecto mercurio nec ulla diathesi morbosa relicta, lento quamvis gradu, dispauere. Haud secus Bartlet et von Hennen 4). Cura ulcerum primiorum initio mere antiphlogistica instituitur. Lecto retentus æger, diaeta vegetabili fruitur; externe cataplasmata, linimentum simplex, solutio acetatis plumbici vel sulphatis cupri, aqua calcis vel acidum nitricum pro re rata adhibentur; cura bubonum hirudine, cataplasmate, fomentatione adstringente, vesicatorio, compressione &c absolvitur. Symptomata secundaria, cum hanc sine mercurio curam interdum sunt secuta, leviora plerumque et cutem infestantia, balneo calido, diaphoresi, tarsaparilla aliquando et guajaco; præsertim vero stibio et pulvere ipecac-thebacio disparuere. Ulcera faucium rarissime occurrentia regimine antiphlog., gargarismate adstringente et embrocatione quatourdecim dierum spatio feliciter sanata sunt. Eadem omnino nodorum est ossium ratio. Casu interdum desperato, ultimum refugium, hydrargyrus, nunc sefellit nunc spei sustinuit. Sic supra dicti medici Angliae.

4) Principles of military Surgery &c. 1820.

Experimenta recentissima, quæ præter ceteros Rossos Philadelphiæ instituit, luem syphiliticam sæpiissime sine mercurio feliciter curari aperte docuere 5).

Ex omnibus his reliquisque ejusdem generis experimentis præcepta sequentia duci posse videntur:

Criteria, quibus syphilitidem genuinam a morbo sic dicto venereo distinctam voluerunt, haud omnino sufficiunt; nec ullo modo diversa horum morborum origo probari potest. — Ex vulnere genitalium primitivo quovis bubones ac symptomata quæcumque secundaria, nulla re essentiali inter se discrepantia, gignuntur. — Omnia genitalium ulceræ primitiva sine mercurialibus sanari queunt, quorum tamen quibusdam prodest, aliis nocet mercurii usus. — Quod idem de bubonibus valet, quorum tamen, qui in suppurationem jam atierunt, omnem vegetant hydrargyrum. — Symptoinata secundaria, quæ mercurio haud semper evitantur, frequentiora quidem, mercurialibus omnissimis, observata, mitissima sunt natura facilemque habent curam; quæ contra dato mercurio oriuntur, maligniorem indolem præbentia, difficillime curantur, quod præsertim de affectionibus ossium valet. — Quæcumque symptomata secundaria curandi methodo, omnis mercurii experti, in genere cedunt; cura tamen mercurialibus, unico sæpe et ultimo refugio, plerumque acceleratur.

His vero factis, quæ non omnes sane objectiones excludunt, ad judicium per præcipitantium latum ne quis seducatur, quod ad dubia removenda, utrum curari syphilis sine mercurio possit nec ne, communicavit D. C. Schmidt 6) afferre juvat, qui anno 1817 in Gallia versatus hanc fecit observationem:

5) The american Recorder of original papers and intelligence in medicine and surgery, conducted by J. Eberle &c. Vol. III. N:o 2. 1820.

6) Vermischte abhandl. aus dem Gebiete der Heilk &c. Petersburg 1821.

In nosocomio militari anglico Valentiniæ a *Pope et Evans*, cel. medicis, decoctum sarsap., adjectis potionibus mucilaginosis cum acido nitrico mixtis, syphilitide laborantibus interne adhibitum vidit, affectionibus topicis simpliciter deligatis. Menses jam xiv felicissimo successu, in formis luis venereæ vel maxime inveteratis ac diuturnis hoc morbum tractandi modo utebantur, nec symptomata umquam secundaria sequi observarant. Diæta ægrotantium valde erat tenuis.

In alio autem nosocomio, Valentiniæ quoque instituto, Teeden eodem die plus quinquaginta ostendit ægros, omnes symptomatibus secundariis laborantes, curationem nuper dictam sequentibus. Plerique, ait Teeden, speciem sanatorum præ se ferentes, sex ad octo post mensibus exanthematibus maxime pertinacibus, quæ jam ad scablem, jam ad herpetem proprius accedebant, affecti partim antimonialibus, partim mercurialibus sanati sunt.

Hoc loco mentionem de patria facere, quæ præser-tim uberrimis experimentis, syphilitidem per diætam partem curandi, in historia hujus morbi sine mercurio tractandi, maximam peperit gloriam, idoneum mihi videtur, nisi hæc experimenta plerisque lectorum jam cognita crederemus finesque circumscripti hujus opellæ summatum juberent brevitatem. Hæc igitur experimenta felici exitu ostendisse, syphilitidem sine mercurio sanari, paucis commemorasse sufficiat, laude huic tamen metallo non erepta, antisyphiliticorum primum esse, pariter ac periculosisimum remedium.

Curam morbi syphilitici apud Germanos, quibus hac in re, sicut in ceteris, aliena sibi propria reddendi, suoque ipsorum ingenio effecta elaborataque exponendi, cupiditas quædam et studium innata videntur, multis pingere ver-

bis, longum esset. Quenvis interea, in remediis, numero semper crescentibus, eligendis, inque modis eadem adhibendi, sicut nosmetipso, consilii expertem, quæ afferre fraguenta ex iis, quæ medicorum Germaniæ principes, quibus summa veræ mercurium adhibendi methodi laus deberi videtur, de syphilitide tractanda p̄cipiunt nostraque ipsorum experientia stabilitivit in animum induimus; cupide arrepturum speramus.

Studium magnopere landandum, nova ad syphilitidem detegendi reñemedia suspicientes, de sententia tamen, mercurium ratione in quovis casu determinata, præparatum, contra hunc morbum proteiformem, certissimum semper fere esse remedium, non decadimus, cuius, sicuti morbo e diametro oppositi, in locum ut aliud substitutatur, æque parum fieri potest, atque ut ullo umquam remedio in febre vera intermitte supervacaneus reddatur cinchonæ cortex. Vera autem adhibendi methodus ut inveniatur, eo difficilius est negotium, quod perniciosissimum est hoc medicamen, nec exempla tam syphiliticorum desunt, hydrargyrum haud ferentium, quam remedii frustra dati. Prius accidere potest quum 1:o ex constitutione ægri debita mercurii dosis non toleratur; 2:o usus ejusdem, utpote vel minima dosi salivationem aliasve affectiones graviores carentis, non omnino sustinetur. Heic succedanea optimum constituunt refugium, quorum acida, præsertim nitricum, ac diæta parca et tenuis insignem occupant locum. His vero succedaneis omissis, quorum dignitas relativa non tam facile dijudicatur, quam multi existimant, properantes viam monstrabimus, quam sequimur, ut evitentur incommoda, quæ perversum mercurii usum comitari solent: gastrodynæ, indigestio, colica, diarrhoea, salivatio, erethismus mercurialis, gingivæ tumidæ, halitus foetidus, ulceræ oris et linguæ vehementer dolentia et corrosiva, labefactatio dentium, imito vero.

destructio aliquando absoluta palati et genarum, emacia-
tio corporis, dolor muscularum, tendinum, articulorum, pa-
ralysis induratio pancreatis, hepatitis &c cachexiae et mors.

Hæc ut fugiamus incommoda, necesse est 1:o via
minime noxia suggeriri medicamen; 2:o optima esse ratione præ-
paratum et compitum; 3:o dosis tam absolute, quam relative
nimiam evitari; 4:o constitutionem ægri, loci, anni temporum &c
respici; 5:o præcautiones necessarias adhiberi, et 6:o ægrotan-
tem debitæ curæ convalescentiæ subjici. Duplicem viam mer-
curii esse administrandi: absorptionem externam et inter-
nam, satis constat, quarum illi, inunctionibus, in Germania
jam dudum fere obsoletis, denuo introducendis, fidem
facere studuit Louvrier; exitus vero experimentorum ea
non sunt indole, ut usui mercurii interno fiducia omnis
eripiatur. Quodnam vero convenientissimum præpara-
tum? quænam mixtura optima maximeque idonea? In
bubonibus, inflammatione præputii, &c a causa venerea
facile principem mercurius dulcis obtinet locum; a bu-
bonibus tamen apertis et suppurantibus, quos symptomata
universalia nunquam fere comitantur, mercurium, ni-
si ex quo sanari incipient, non omnino ferri, observan-
dum est; in ulceribus venereis secundariis faucium, nisi,
in excrescentiis et exulcerationibus cutaneis, nec non ex-
anthematibus venereis mercurius sublimatus præferen-
dus; in affectionibus venereis ossium cutisque phosphas
hydrargyricum, alias perniciosum, efficacissimum, sicut
etiam in casu posteriori, in carie, exostosibus, ulceribus
que phagedænicis gutta una ad sex aquæ, quartam ni-
tratis hydrargyrici partem continentis potionibus muci-
laginosis copiosis adjectis, magnam adferunt utilitatem.
Mercurius solubilis Hahnemanni, vi ejus in organismum
gummi arabico et camphora modificata, excellentissimus
est. Corrigentia non omittere, quorum vix ullum sul-
phure et camphora efficacius reperitur, maxima sane res-

est. Illud vicissim potissimum datum a salivatione certissime cavet; hæc gummi arabico juncta plus quam opium canalem alimentarium tueri videtur.

Dosin evitare tam absolute quam relative immodicam, longe est difficillimum. Non signa salivationis, sed symptomata extincta normam medici facere debent, quibus vero sublatis aliquamdiu mercurio uti, periculosisimum est consilium, haud enim raro nova inde incommoda oriuntur. Satis nondum mercurii datum existimat et — æger veneno mercuriali inficitur. Affectiones syphiliticæ primariæ, quum usu hydrargyri disparuere, ad morbi reliquias forte remanentes radicitus tollendas acidum nitricum, exigua dosi datum, quajaco, floribus sulphuris et sulphure aurato antimonii adjectis, commendatum volumus. Constitutionem ægroti, loci, tempestatis respicere, maxime interest. Mercurii quidem usus paracorem in genere requirit diætam, quæ tamen regula exceptionibus uon caret. Venosis et in hæmatemesia pronis mercurius sublimatus semper nocet; digestione debili laborantes neque muriatis hydrargyrosi, neque præparati, quod a Hahnemann no men habet, usum sustinere possunt. — Anni tempus frigidum et pluvium, gelidus, nebulosus et humidus aër, domicilia humida et loca paludosa auctam habent cautionem. De cetero maximi momenti res est in spirituosis fruendis severum servare modum, victu acido salloque abstinere et anxie tabacum evitare; nec balneis quotidie vel alterno die administratis cura vacare debet calidis, præsertim sub cura convalescentis hepate sulphuris conjunctis, quæ balnea hepatica optimam nimium quodvis mercurii sumti extinguendi viam constituunt.